

ШОЪЛ ТАВЫСЫ

РЕСПУБЛИКАЛЫК
ЯМАГАТ-ПОЛИТИКАЛЫК ГАЗЕТА

ГОЛОС СТЕПИ

РЕСПУБЛИКАНСКАЯ
ОБЩЕСТВЕННО-ПОЛИТИЧЕСКАЯ ГАЗЕТА

№ 49 (8581)

26 НОЯБРЬ

2015 йыл

КИШИ ЮМА

КАРАША АЙЫ

Баасы 5 маьнет

1931-нши йылдан алып шыгады

ДР АЪКИМБАСЫ

Шаирге багысланган шатлыкта

ДР Аъкимбасы Рамазан Абдулатипов оьткен юма-дынъ ызында Дагестан-нынъ халк поэти Магомед Ахмедовтынъ мерекесине багысланган шатлыклы шарада ортакшылык этти. Ол буюьуьнги оьзгеристинъ баъри дагестаншылары уьшин уйкен маънелиги барлыкын белгиледи, Магомед Ахмедовтынъ яратув-шылыгына йогары белгисин берди.

Регион етекшиси Магомед Ахмедов Дагестан Язувшылар союзынынъ председатели бола туруп, солай ок Поэзия театрынынъ художестволык етекшиси бола таганын эске сал-

ды, эм республика етекши-лигининъ бу идеясынынъ яшавга шыгарылувы оны ман байланыслы экенин белгиледи. Оннан баскалай, Рамазан Абдулатипов мере-кешиге эстеликли сабат эм онынъ акында оьзи язган китапти тапшырды.

Мерекешиди элимиздинъ туьрли регионларын-нан конаклар, шаирдинъ акында коьп йылы соьзлер айтып, кутладылар эм эсте-ликли савгалар тапшырдылар. Олар – РАН Дагестан илми орталыгынынъ Тил, адабият эм саният институ-тынынъ директоры Маго-мед Магомедов, Россия Язувшылар союзынынъ би-

ринши секретари Геннадий Иванов, Дагестан парла-ментининъ биринши вице-спикери Юрий Левицкий, Россия Язувшылар союзы-нынъ Москва кала органи-зация правлениесининъ председатели Владимир Бо-яринов эм баскалар. Мере-кешиге каратылып, Ингу-шетия аъкимбасы Юнус-Бек Евкуров атыннан да хошлав адреси окулды.

Шаир М.Ахмедов Васи-лий Шукшиннинъ медали мен савгаланды, ога ДР Халк Йыйыны атыннан хошлав адреси эм Сый гра-мотасы, Александр Пушкин медали тапшырылды.

ДР Аъкимбасы Рамазан

Абдулатипов россия патша-лыгын беркитуьвге уйкен уьлисин косканы эм адаби-атты яклаганы уьшин "Ми-хаил Лермонтов" медали тапшырув ман "Биз заман-нынъ баътири" адабият-яма-гат савгасына тийисли эти-линди.

Шешен Республикасы-нынъ Язувшылар союзы-нынъ председатели Канта Ибрагимов Рамазан Абдула-типовка Поэзия театрын туьзгени уьшин разылыгын билдирди, саниятты эм ил-миди сыйлайтаган ерде тек уллы шаирлер тувмага бола-таганын белгилеп.

Шатлык концерт пен та-мамланды.

ФОРУМ

Д.Медведевтинъ баславы ман

Дагестан делегациясы "Единая Россия" политика-лык партиясынынъ ерли боь-ликлерининъ секретарьле-рининъ савлайроссиялык форумыннынъ пленарлык йыйынында ортакшылык эт-кен.

Йыйында партиядынъ етекшиси, РФ Оькимети-нинъ председатели Дмитрий Медведев те катнаскан. Фо-румнынъ ортакшылары ал-дында шыгып соьйлегенде, ол партиядынъ регионаллык боьлик етекшилерин келеят-кан 2016-ншы йылдагы пар-ламент сайлавларында за-коншылык негизинде енью-вге ымтылмага шақырган. "Бизим партия уьшин депу-татлар корпусынынъ эм тол-тырувышы влаьстинъ аьреке-ти ашык, таза болганы айлак та маънели. Ол зат "Единая Россия" партиясынынъ явап-лыгын эм политикалык куь-шин шайытлайды", – деп билдирген Д.Медведев.

"Единая Россия" парти-

ясынынъ ерли боьликлери-нинъ секретарьлерининъ савлайроссиялык форумы биринши кере онынъ пред-седатели Д.Медведевтинъ баславы ман оьткерилген.

Форумда кандидатура-ларды айырув эм сонъында оларды 7-нши кере шақыр-тылаак Государственный Ду-масынынъ эм регионлар-дынъ законодательлик влаьь органларынынъ депу-татларына кандидатлар эса-бында коьрсетуьв бойынша Ортак федераллык куьнибу-рын партия тавыславына аьзирленуьв, солай ок анти-коррупционлык нормаларын толтырув акында закон акында сораьлар ортага са-лынып ойласылган.

Айтылган йыйында "Единая Россия" политика-лык партиясынынъ Ногай район боьлигининъ секрета-ри, "Ногайский район" МО аъкимбасы Казмагомед Ян-булатов та Дагестан делега-циясы сырасында катнаскан.

Еннет аналар аягы астында

Махачкалада Дослык уьйинде "Гражданлык яма-гатта Дагестан халклары-нынъ аьдет-йорыкларын саклав эм эдап-эстетика принциплерин оьрленди-руьв" деген темага Дагестан аналарынынъ II Республи-калык форумы озгарылды.

Шарады аша берип, ДР Аъкимбасы Рамазан Абду-латипов форум катнасуь-шыларынынъ, Синайский ярым аралда терракт сыра-гысында пассажирлик са-молет атылып, 224 аьдем оьлгенин эсине салды. Олардынъ эстелигине бир такыйка уьндемей турды-лар.

Республика етекшиси, Аналар форумы экинши кере озгарыла таганын бел-гилеп, соьзин баъри йыйыл-ганларга каратып, булай деди: "Буюьуьн республика-да коьп зат сиз бен байла-ныслы. Дагестан кыска-жыларынынъ биринши рес-публикалык форумыннан сонъ аьр муниципалитетте йолыгыслар оьттилер. Рес-публикада ийги йорык-аьл туьзилер, эгер Дагестан ман биз баъримиз де етекшиле-сек. Влаьь халктыкы бол-мага тийисли, эм буюьуьнги форум – сондай етекшилев-кеплерининъ бири".

Рамазан Абдулатипов федераллык орталыгы

ягыннан, элимиздинъ Пре-зидентин Владимир Путин эм РФ Оькиметининъ Пред-седатели Дмитрий Медве-дев ягыннан бизим респуб-ликага айырым эс каратыла-таганын белгиледи. Соны ыспатлайды кабыл этип алынган эм яшавга уьстин-ликли шыгарыла таган "Да-гестан Республикасынынъ илгерили оьрленуьвин кана-гатлав бойынша алды ше-ретлик шаралар акында" деген Токтасы эм 2025-нши йылга дейим Дагестан Рес-публикасынынъ оьрленуьв Программалары.

Солай ок оьз соьйлеви-нде Рамазан Абдулатипов Аналар форумы – ол ога да-гестан аналары ман респуб-ликада бола таган затлар ман, кайдай куллык юри-ти-летаган ман боьлиспеге ийги эп экенин белгиледи.

Форум барысында даге-стан хатын-кызларга патша-лык савгалар тапшырылды. Олар – оқытуьшылар, мед-сестралар, сыйыр савуьшы-лар эм баскалар.

Сонъ форум куллыгы секциялар кенъеслеринде бардырылды. Олар аьлиги дагестан ямагатында кыска-жыкыдынъ туткан орынын белгилевге багысланып оз-гарылды. Тамамында фо-рум резолюциясы кабыл этилип алынды.



Кизлярхан Мурзагельдиева (суьверетте) "село Червлен-ные Буруны" СП МО администрациясында 1986-ншы йылдан алып бас бухгалтер аьрекетин яваплы толты-рып келеди. Ол Махачкалада финансовый техникумды етимисли тамамлаган. Исинде етискен уьстинликлери, йогары кестилик усталыгы, узак йыллар бойы яваплылык пан толтырып келген иси уьшин ол коьп кере Сый грамо-таларга, разылык хатларга тийисли этилген.

Кизлярхан Картпосовна суьйген ис аьрекетинде явап-лы куллыкшы болып калмай, наьсипли ана да болады. Коьп йыллар бойы бас экономист болып куллык эткен эри Ала-дин Мурзагельдиев пен (яткан ери ярык болсын) курган татым аьелде уьш авьлетлерин тербиялап, яшав йолы-на салганлар. Балалары, йогары билим алып, элимиздинъ туьрли муьйислеринде куллык этедилер. Буюьуьнлерде кыскажыкы уныкларынынъ етимислерине куьезленеди.

Онъаннынъ эки яхиьлыгы бир келер дегенлей, бу айда Кизлярхан Мурзагельдиева эки байрамды белгилей-ди: Бухгалтер куьнин эм Ана куьнин. Ак юректен оны кут-лаймыз, исинде уьстинликлер, аьел наьсибин, ден савлык-ты, онъайлыкты йораймыз.

СЫЙЛЫ БИЗИМ АНАЛАР!

"Ногайский район" МО сизди сондай ийги байра-мынъыз – Ана куьни мен кутлайды.

Бизде эндиги аьдетли болган Ана куьни – ол юрекле-римизге айлак та ювык эм баалы аьдемлеримиз – бизим аналарымызга багысланган энъ йылы байрамларымыз-дынъ бири. Анадынъ уллы эм сыйлы суьйимлиги бизди бесигимизден алып йылытады эм саклайды, яшав кый-ынлыкларын енъмеге, сенмеге, уьстинликке ынанмага коьмек этеди. Биз эндиги неше ясымызда болсак та – анадынъ танъ соьзи, онынъ юмсак карасы, каьмбил мас-лагаты балага да, уйкен аьдемге де бек керекли.

Бу сондай аьруьв байрам куьнинде коьп балалы, кул-лыкшы, колларында сакат балаларды овстиретаган аналарга айырым кутлав эм разылык соьзлеримизди ка-ратамыз.

Аявлы бизим аналар, уьй тандырын саклавышлар! Сизге акланмас кыйынъыз, ясарсыз шыдамлыгынъыз, коьнъил юмартлыгынъыз уьшин ак юректен разылыгы-мызды билдиремиз. Сизинъ балаларынъыз оьнерли эм аьдем суьер болып оьссинлер, сизди дайым да олардынъ эс беруьви эм суьйимлиги курсап алсын! Савлык, эмиш-лик эм наьсип сизге эм сизинъ аьеллеринъизге!

К.ЯНБУЛАТОВ,

"Ногайский район" МО аъкимбасы.

"Континенталь"

банкынынъ куллыкшылар қоллективине

Бажарымлы предприниматель Мух-тарбий Аджековтынъ баславы ман Терекли-Мектеб авылында туьзилген "Континенталь" банкы ашылганлы 1-нши декабрьде 5 йыл толады.

Сол сыйлы мереке мен сизди ак юректен кутлаймыз эм район яшав-шыларынынъ буйымларын битируьв мен байланыслы аьрекетинъизде уь-стинликлер йораймыз. Аьр биринъиз-ге берк ден савлык, аьел наьсибин эм баъри ийгиликлерди сагынамыз. Халк пайдасына аьрекет этетаган банк ар-маганда да оьрленсин.

**"ШОЪЛ ТАВЫСЫ" республикалык
газетасынынъ редакциясы.**

М.ЮСУПОВ – белгили патшалык эм
ямагат аьрекетшиси

Йогары дережели ис орынларда ислеген



Белгили патшалык эм
ямагат аьрекетшиси Маго-
мед Юсупович Юсупов
тувганлы 80 йыл толды.
Онын эстелигине тувган
ери – Дагестанда шат-
лыклы шаралар озгарыл-
ды.

Магомед Юсупов Гу-
ниб районунын Со-
гратлы авылында 1935-
нши йылдын 25-нши но-
ябринде тувган. Ерли
школады куьмис медаль
мен окуп битирген, йога-
ры билимди Москва ка-
ласында патшалык эконо-
мика институтында ал-
ган.

Институтты окуп би-
тирген сонъ, кесписи
бойынша дережели ис
орынларда куллык этип,
элимиздин хайырлыгы
уьшин бардырылатаган
иске оз косымын эткен.
Ис аьрекетин ол 1957-
нши йылда ДАССР Гос-
планынын экономисти
болып кыйын салувдан
баслаган. Сонъ Дагестан
совнаркомынын план-
экономикалык боьлиги-
нин етекшисинин орын-
басары, ДАССР Гос-
планынын председатели-
нин орынбасары болып
куллык эткен.

1966-ншы йылда Ма-
гомед Юсупович КПСС
Дагестан обкомынын
курулыс боьлигинин за-
ведующийи орынына
коьширилген. Сонъ ол
КПСС Буйнакск кала ко-
митетин басшылаган,
узак йыллар бойы КПСС
Дагестан обкомынын
промышленность эм ку-
рылыс бойынша секрета-
ри болып куллык эткен.

Он йыллардан артык
заман Магомед Юсупов
республикадын йогары
дережели ис орынларын-
да кыйын салган: ол
ДАССР Министрлер Со-

ветинин председатели,
КПСС Дагестан обкома-
нын биринши секретари
болып аьрекет эткен.

1990-ншы йылда эконо-
мика илмилеринин кан-
дидаты, СССР Оьр
Советинин депутаты,
СССР халк депутаты,
КПСС ЦК агзасы Маго-
мед Юсуповты Москвага
коьширедилер. Мунда ол
РСФСР Госпланынын
председателинин орын-
басары, Россия экономи-
ка министринин орын-
басары ис орынларында
кыйын салмага туьскен.

Оьткен оьмирдинъ
ызгы йылларында Маго-
мед Юсупович Греция
элинде Россия Федера-
циясынын савда ваьки-
ли эсабында аьрекет эт-
кен, а тийисли тыншаю-
га шыкканнан сонъ "Су-
лакский ГидроКаскад"
ОАО Гендиректорынын
советнигинин ис оры-
нын бийлеген.

Савлай яшав оьми-
рин, тувган еринин хай-
ырлыгы уьшин каныгыс-
лы куллык этуьвдинъ
уьлгисин коьрсетип, кый-
ынын аямай багыслап
келген Магомед Юсупов
ис аьрекетин элимиздинъ
йогары органлары ягын-
нан бааланмай калма-
ган. Ол Ленин орденине,
эки кере Ис Кызыл Бай-
рак орденине эм эки кере
"Сый белгиси" орденине,
"Дагестан Республикасы
алдында етимислери
уьшин" орденине тийис-
ли этилинген. Солай ок
патшалык савгалары
арасында сыйлы орынды
туьрли медальер бий-
лейдилер: "Ис ветера-
ны", "Москвадын 850
йыллыгынын эстелиги-
не", "Социалист Болгари-
яга – 40 йыл" эм баска-

лар.

АВЫЛ АДМИНИСТРАЦИЯСЫНДА

Ийги баслав

Янъыларда "село Те-
рекли-Мектеб" СП МО
аькимбасынын баславы
ман Ногай районунын
КЦСОН ГУ куллыкшылар
коллективи мен йолыгыс
болып озды. Онда Авыл
йыйынынын депутаты
Рустам Гапаров, "село
Терекли-Мектеб" СП МО
секретари Джамиля Стам-
булова ортакшылык этти-
лер.

Бас деп "село Терек-
ли-Мектеб" СП МО аьким-
басы З.Аджибайрамов со-
циаллык куллыкшысы
Маринат Мавлиевна Ора-

зовады коьп йыллык ети-
мисли куллыгы уьшин ДР
Ис эм социаллык оьрле-
нуьв министерствосы-
нын Сый грамотасы ман
савгаланганы ман кутла-
ды. Сонъ авыл етекшиси
авыл администрациясы-
нын аьрекетин бойынша
планланган ислер акында
хабарлады, Терекли-Мек-
теб авылынын социал-
лык яктан коршаланмаган
яшавшылар куьбине коь-
мек этуьв бойынша бирге-
лес куллык юритуьвди ий-
гилендирмеге ниети бар-
лыгын билдирди.

Аьр соьзде – акыйкат

Янъыларда "село Те-
рекли-Мектеб" СП МО
администрация мека-
нында Ясуьйкенлер со-
ветинин йыйыны болып
озды. Буьгун мунда куьн
кезегинде уьш сорав ка-
ралды: "село Терекли-
Мектеб" СП МО аькимба-
сынын ис планы, авыл
еринде тазалыкты тутув
эм халклар ара терро-
ризм мен куьрес юритуьв
акында.

Биринши эм экинши
соравлар бойынша "село
Терекли-Мектеб" СП МО
аькимбасы З.Аджибай-
рамов соьйледди. Онынъ
ис программасына коьре,
уйкен эс авылдын тазы-
лыгына, ясылланып
коьркленуьвине, керек-
синген авыл яшавшыла-
рына берееги акында
белгилейди. А Ясуьйкен-

лер советининъ агзала-
ры оьз алдыларына ис-
лемеге ниети бар аьдем-
ге, тек колларыннан кел-
ген, коьмегин этееклерин
билдирдилер.

Авылымызда тазы-
лыкты тутар уьшин аьр
биримиз оьзимизден
басламага керекпиз.
Авыл яшавшысы Б.Кур-
паев "село Терекли-Мек-
теб" СП МО аькимбасы-
на аьр бир туькеннинъ
алдына коькыс тоькпеге
алат салмага, аьр бир
туькен иесине шешекей-
лер шашпага маслагат
берди.

Уьшинши сорав уьс-
тинде "село Терекли-
Мектеб" СП МО админи-
страциясынын Ясуьй-
кенлер советининъ пред-
седатели Шатемир Мун-
гишиев шыгып соьйле-

Кеспи куьнинде

Быйылдынъ 17-нши
ноябринде "село Терекли-
Мектеб" СП МО аькимба-
сы З.Аджибайрамов авыл
администрациясында
участковыйларды кеспи-
лик байрамы ман кутла-
ды.

Бу кеспидинъ маьне-
лигин белгилеп, Зейдулла
Курманович булай деди:
"Сиз бизим авыл яшав-
шыларына куьнде де коь-
мек этесиз, олардынъ па-
рахатлыгын саклайсыз,
кавыфсызлыгын канагат-
лайсыз. Сиз халк пан аьл-
лесесиз, маслагатынъыз

бан аьр кайсыды ойлан-
май этилинген затлардан
аман саклайсыз. Сизге ис
борышларынынъызды тол-
тырувда коьрсететаган
йигитлик, йигерлик уьшин
разылыгымды билдире-
мен".

Сонъ "село Терекли-
Мектеб" СП МО админи-
страция атыннан участко-
выйлар К.Аджимурамова,
А.Джумаевке, К.Кусе-
повка, Р.Тунгатаровка,
Р.Алыпкашевке, А.Джума-
каевке, А.Ильсовка Сый
грамоталар тапшырылды.

З.КОЖАЕВА.

оьзлери де бир ой-ток-
така келдилер – Терек-
ли-Мектеб авылымызда
да аьллер аьруьв тувыл.
Ясларымыз тувра йол-
дан тайысадылар. Сол
кыйын аьллерден шыгув
йолларды биз биргеле-
сип, излестирмеге бо-
рышлымыз.

Ясуьйкенлер совети-
нинъ председатели
Ш.Мунгишиев авылы-
мызда терроризм мен
куьресте профилактика-
лык ислерди кенъ яйыл-
дырмага керекпиз деген
маслагатын берди. Ясла-
рымызга сак карайык,
олар – бизим келектеги-
миз.

Ясуьйкенлер совети-
нинъ йыйыны бек пайда-
лы темалар бойынша
оьтти.

Г.САГИНДИКОВА.

29-ншы ноябрь – РОССИЯДА АНА КУЬНИ

АЯВЛЫ АНАЛАР ЭМ ТЕТЕЙЛЕР!

Сизди аьр кайсымыздынъ яшавында энъ юьк,
энъ аявлы аьдемиз – Ана куьни мен кутлайман.

Ана куьни – ол суьйимге, энъ йылы эм ак юрек-
лик юка сезимлерге бийленген байрам. Аналык –
ол энъ наьсипли заман, кыскааклыга табият пан
берилген энъ ийги савга. Миллионлаган аьдем-
лер бу куьнлерде оьз аналарын кутлап, олрга
юрек туьбиннен алынган энъ ийги соьзлерин ай-
тарлар.

Межесиз ана суьйими аьдемди тувганнан алып
курсайды, яшав йолда баьле-казалардан корша-
ламага шалысады, кыйынлыклардан оьтпеге яр-
дамласады. Ана – ол аьелдинъ, балалардынъ та-
явы эм тиреви.

Баьри аналарда да суьйинмеге коьп эп болсын!
Сизинъ, оьз кызыксынувларынъызды арт таслап,
баскалар уьшин толысынша берилип яшаганынъ-
ыз балалар эм баьри ямагат ягыннан сизге уьй-
кен сый этуьв мен кайтсын. Балаларынъыз эм
уныкларынъыз наьсипли, оьнерли болып оьссин-
лер, сиз акында каьрлеп, сизге уьйкен эс карат-



сынлар. Берк ден савлык, уьйкен наьсип эм
онъайлык сизге! Уьйинъизди дайым тынышлык
эм суьйим бийлесин!

З.АДЖИБАЙРАМОВ,

"село Терекли-Мектеб" СП МО аькимбасы.

РАЙОН АДМИНИСТРАЦИЯСЫНДА

Балаларга ярдам

Сакат балалар, ата-
анасы ягыннан каравсыз
калганлар, олардынъ за-
конлы ваькиллери, ата-
ана ягыннан каравсыз
калган балады оьз
аьелине тербиялавга ал-

мага ниети барлар, сакат
балалар эм олардынъ
ата-аналары, пенитен-
циарлы учреждениелер-
деги балалар – бу куьп-
лерге ярдам этуьв уьшин
"Ногайский район" МО

администрация карары
бойынша "Кызуьвлы ли-
ния" телефонлары туь-
зилген: 8(8722)55-33-40;
89285162216;
89285639953.

Быйылдынъ 20-ншы

ноябринде йогарыда
белгиленген куьплерге
киретаган балаларга
правовой ярдам этуьв
россиялык Куьни озга-
рылды.

Суыйинишлери кутылмасын



Бугуьн мен районымызда аты-даны шыккан эки курувшыдын акында хабарламага суюмен. Олар экеви де бир авылда тувып-оьскенлер, бир йыл бир школага бир ок класска барганлар.

Мине элли йылдан артык болады коьзлеринде куьн саввлелери ойнаган, дуняга, бизге не зат коьрсетерсин деп, кызыксынып караган Келдимурат Муратказиев эм Аскербий Нартупов биринши класска келгеннен бери. Экеви де школады кутарып, тувган Нариман авылында "Путь Ленина" совхоздын курылыс боьлигинде ислеп баслайдылар. Оларга яшавынын басында ок ийги ис йолдаслар да, не болсаньыз болыньыз деп шеттен уьндемей карап турмайтаган ясуьйкенлер де рас келген болартагы — экеви де исининь сулыбына

да, яшав йорыгына да уьйрендилер.

Биревге де айып болмасын деп, хабарымды экеви арасындагы ясуьйкеннен баслайым.

А.Нартупов ис йолынын басында ок шалыскырлык, яваплык, усталык коьрсетти, сонынь уьшин де онынь суьврети совхоздын Сый тактасында туратан эди. А.Нартупов 1975-нши йыл Ставрополь крайынын Коясула авылыннан Равзат атлы сылуьв кызды яратып, заньыраган той этип, оны Нариман авылына аккеледи. Яслай эситетаган эдим ясуьйкенлердинь хабарлаганларын: "Етисан кызлар Караногай ясына эрге шыкса, оны оьзининь тоьркин журтына аккетеди" деп. Сол зат оьтирик пе, уьшин ма экенин билмеймен, ама меним досым Аскербийдинь яшавын алганда — уьшин бо-


лып шыкты. 1979-ншы йыл Аскербий эм Равзат Нартуповлар Коясула авылына коьшип кетедилер. Оьзине тапшырылган исти тийисли дережеде бажарып уьйренген Аскербий мунда да ийгилердинь сырасында болады. Шалыскыр ясты мунда сезедилер эм тез арада "Прикумводстрой" трестининь ПМК-сынынь комплексли бригадасынын басшысы этип саладылар. Мунда да А.Нартуповтынь суьврети Сый тактасыннан таймайды, эм ол 1986-ншы йыл ВЛКСМ ЦК "Алтын коллы уста" деген белгисине тийисли этиледди.

Сойтип, яшайды эм ислеиди Ставрополь крайынын Коясула авылында Дагестаннын Нариман авылынын йигит ясы. Караногайлардын атын ерге туьсирмей яшайды. Уш кызын да оьстирди, яшав йолына да салды. Аскербий — оьзи маскарашы, хабарлары коьп аьдем. Ол дослары ман йыйылган ерде биревге де ялкпага бермейди. Оьзининь Коясула авылында яшаганын ол булай деп айтады. "Эр кисидинь таянгандай уьш журты болады. Биринши — ата журт, экиншиси — ана яде нагаш журт, уьшиншиси — хатын журт. Бакты соьйтип язгандыртагы мага хатын журтка таянып яшамага".

Дослардын экиншиси Келдимурат Му-

ратказиев сав яшав бойы тувган Нариман авылында турады, уьйли-эсикли де болды, балаларын да асыл этти. Келдимурат — шынтылай да коллары алтын аьдем. Ол — район курувшыларынын уста дегенлерининь бириси. К.Муратказиев — тек уста курувшы тувыл, даньклы кыркымшы. Онынь яшав бойы тийисли болган савгаларын алып карасань, К.Муратказиевтинь кайдай даньклы ис йолын оьткенин ашык аньлайсынь, тувган элининь экономикасын оьстируьвге кайдай уьйкен уьлис косканын оьткир сезесинь.

Мине совхоздын дирекциясынын, парткомынын, профкомынын эм комсомол комитетининь атыннан 1980-нши йыл язылган Сый грамота. Мине 1980-нши йыл ВЛКСМ РК секретарьлери А.Джуманбетов, М.Савкатов кол салган кой кыркымда уьстинликлери уьшин Сый грамота. Сол ок 1982-нши йыл РСФСР Авыл хозяйство министерствосы Черкесск каласында озгарган кыркымшылардын Савлайроссиялык конкурсында К.Муратказиев еньюьвши болып шыккан. Онынь акында РСФСР Авыл хозяйство министрининь орынбасары кол баскан "Савлайроссиялык конкурста еньюьвши болганына эм койды шугыл кыр-



кувдынь йосыгын кень яюьвда белсен катнасканы уьшин" Сый грамота шайытлайды. Сондай ок ис етимислери уьшин К.Муратказиев ВЛКСМ ЦК атыннан, ДАССР Госагропромы атыннан савгаларга тийисли болган. Уста курувшы, уста кыркымшы Келдимурат Аджимолла улы Муратказиев коьплеген конкурсларда, ярысларда еньюьвши болган. Сол заманларда Келдимурат тувыл ма оьз ногайнынь, оьз районынынь сыйын коьтерген. Тек досымыз коьп соьйлейтаганлардан, "мен" деп коькирегине уратаганлардан тувыл. Сол йылларда ол оьзининь куьндегилик исин этип, халктынь шынты улларынынь бириси болып юрген.

Бугуьнлерде Совет

оькимети бузылды К.Муратказиев тийисли тыншаюьвда болса да, уьйде олтырып турмайды, аьдемлерге байыр уьйлер салув курылысында катнасып, аьелин саклав уьстинде каьрлейди. Онынь уста курувшы экенин билетаганлар аьр кайсысы да оны оьзине аккетпеге шалысадылар.

Мине соьйтип яшайды Нариман авылында атаклы курувшы, атаклы кыркымшы оьзининь аьели Марипат пан, асыллап оьстирген балалары ман. Суьйинедилер олар балаларына, уныкларына эм йиенлерине. Айырмасын Кудай бир де оларды сол суьйиништен.

Магомед КОЖАЕВ.

Суьвретлерде: курувшылар А.Нартупов эм К.Муратказиев.

РАЗЫЛЫК

Ашык юзли Насият

Биз социаллык куллыкшысы Насият Межитовадын кыйын салув аркасы ман доьрт йылдан бери социаллык буйымлар ман пайдаланамыз. Олай деген, социаллык куллыкшысы Насият Ямаладиновна ис борышларына коьре бизге уьйшиликте кыйынын тийгистеди. Аьр бир уьй исин намысы ман толтырар, коьнълге етип, аьримиз бен тил табар, олай булай артык соьзи болмас.

Авил арасында ол уьйкен сый-оьрмет пен пайдаланады. Ашык юзли, туьз ниетли кыскакылы тек мактавга тийисли. Биз ога берк ден савлыкты, аьел наьсибин, узак оьмирди йораймыз. Эсейгенде, бизим яшавы-



мызга яркын нур саввлелерин севип келеяткан Насиятка ак юрегимизден разымыз эм уьйкен савбол айтамыз.

Куьнбатар авыл яшавшылары
Бану Кокеева эм Сакинат Абасова.
Суьвретте: Н.Межитова.

Аьдем иси мен ярасык

Базархан Наип кызы Салемиева (суьвретте) — оьз ис орынында куллыксуьерлиги мен сый-абырай казанган аьдем. Ол ис аьрекетин 1995-нши йылдын апрель айынан алып социаллык тармактынь ясуьйкен эм сакат граждандардын куьндизги ял алуьв боьлигинде баслаган. Баслап онынь ис борышы боьлмелерди йыйнав эди, сонь онынь белсенлигин, ясуьйкенлер мен катнасып болувын коьргенде, ол социаллык куллыкшыдынь ис орынына коьширилди. Аьли болса Базархан сегиз ясуьйкен аьдемлер мен куллык этеди. Олардын баьриси де Базарханнын эткен куллыгына бек разы. Базархан ис



аьрекетин намыслы этеди. Ол социаллык буйымларын толтыратаган Земфира Карповна Богдановичус онынь

акында булай дейди:

— Мага бугуьнлерде Базархан кызымдай болып карайды, бир куьн соьзимди ерге туьсирмейди. Ога, мага беретан ян йылуьвлыгы уьшин, оьз разылыгымды билдиремен.

Социаллык куллыкшысына оьзи карайтаган аьдемлердинь разылыгыннан уьйкен баа зат йок. Базархан Салемиева ис йыллары ишинде коьп Сый грамоталарга тийисли болган, бир неше кере акшалай баргы да алган.

З.БОРАМБАЕВА,
социаллык куллыклар бойынша специалист.

«КАРЛЫГАШЛАР» (балалар уьшин эм балалар акында)

КОЪРИМЛИ ОКУВШЫ

Суьйимбийке атын аклайды



Билим куьни быйыл Куьнбатар авыл орта Муса Курманалиев атындагы школасында шатлыклы аьлде оьтти. Школа етекшиси Амзатхан Алавдин улы Межитов сол куьн ийги иси мен белгиленген окытувшыларга эм окувшыларга баргылар тапшырды. Солардын ишинде биринши

класстан алып тек йогары белгилерге окып келеятырган талаплы кызалак Суьйимбийке Кумарова да бар эди.

Суьйимбийке тетеси мен турады, ата-анасы Сургут каласында ислейдилер. Кыздын акында язбага деген ниет пен мен онын акында ийги этип билейим деп тетеси Айга-

нат эм класс етекшиси Сабират Алимжановна Агисова ман хабарладым, уьйине де барып, кыз бан соьйледим.

Суьйимбийке школадан келген сонь кийимлерин ерли-ерине салып, асын ишеди, бираз тыншайып, таньлагы дерислерине аьзирлик коьреди. Суьйимбийке класстын ямагат яшавында белсен катнасады, бизи мен аманласып, оьз ислерин коьрмеге деп кетти. "Класстын диреги" деп куьлемсирейди октемлик пен кызалак. Суьйимбийке туьрли кружокларда катнасады, класс етекшиси айтканлай, биринши класстан алып берк билимми болып келеди, боьтен де ога орыс тил эм адабият дерислери ярайды. Соьйтип, яньыларда "Орыс классиклер поэзиясы" деген район бойынша конкурста катнасып, баргылы орынды алды. Школада окып келеяткан йылларда халклар ара "Старт" конкурсында катнасып, биринши орынларга тийисли болган. Берген тапшырмаларга мукаят, аьр затты заманында этеди, борышларын яваплык пан толтырады.

"Русский медвежонок" конкурсынын катнасувшысы, "Орфограммы" командадын энъ де ийги капитаны" деген дипломнын, англис тилинин юмалыгында белсен катнасканы уьшин Сый грамотадын иеси, Суьйимбийке йылдан-йылга оьз билимин оьстирип турады. Класста болатан эртенъликлерди юритеди, салынатаган пьесаларда бас рольлерди ойнайды. Компьютер мен де ислеь болады, яньылыклар излеь табады. Суьйимбийке – "Ветеранга хат", "Баьтир пионерлерге хат", "Меним атам Аталык согыста" эм баска проектлердин авторы.

2015-нши йыл баслангыш класстар ара "Йыл окувшысы" конкурсында катнасып, талаплы кызалак енъуьвши болды. Биз келеекте де Суьйимбийке кызымыз соьйтип уьстинликлер мен абытларын алар эм ногай халктын данъклы кызынын атын аклар деп шекленмеймиз эм ога коьплеген яхшылыклар йораймыз.

С.МЕЖИТОВ,
ис ветераны.
Суьврете:
С.Кумарова.

ШКОЛА ЯШАВЫННАН

Уьстинликлер мен абытлайды алдыга



Менимше, инсаннын баьри касиетлери де школада окыган йылларында кепленеди. Тек окувшылар сол затты анъласа экен эм маьне берип окыса экен. Баска яктан караганда, ойлайсын, аьли оларга окымага баьри амаллар да бар, тек окымага аваслык болсын. Окымага суьйгенлер ЕГЭ сынавларын ийги этип оьтип, элимиздин туьрли муьйислеринде окыйдылар. Бизим школаларда да талаплы эм билимми балалар бар. Милана Курганова – А.Х.Джанибеков атындагы школадын 6-ншы класс окувшысы. Школада ол – ийгилердин сырасында.

Баслапкы класстардан алып Милана тек йогары белгилерге окып келеятыр, йыл сайын ийги окыганы уьшин ога грамоталар тапшырылады. Онын разылык хатлары арасында "Окувга аваслык уьшин" диплом, баслангыш класстар арасында эсап дериси бойынша савлайроссиялык олимпиада енъгени уьшин сертификат, "Тилимнин барлыгы – халкымнын байлыгы" ана тилинде адабият-яратувшылык ислеринин район конкурсынын грамотасы, "Сага куьлемсирев савкатлайман" яттан ятлав окувшылар конкурсынын "Аьдемшилик" номинациясы бойынша дипломы. 5-нши класста окыган заманда Милана "Йыл окувшысы – 2015" школа конкурсында катнасып, интеллект марафонында йогары коьрсетимлер берди.

Милана китаплер окымага суьеди, ол ана тилинде ятлавларды яттан биледи, яньыларда ана тил эм адабият, англис тилинен дерислери бойынша олимпиадаларда биринши орынды алды, "Ду-

няя бизим тоьгерегимизде" деген марафонда катнасып, I дережели диплом ман савгаланды. Онын грамотасында "Йогары билими, куьлыксуьерлик, оьзденлик, тербия, билимге аваслыгы уьшин" деп язылган.

Класстын ямагат яшавында Милана белсен катнасады, яньыларда класс етекшиси Юлия Ивановна Махмудова атынан талаплы кызга школа эм класс яшавында белсен катнасканы, класс етекшисине коьмек эткени, йогары билим, ийгилик, билим алуьда йигерлик, кайдай кыйынлыкларды да оьтпеге болаягын анълаганы уьшин грамота тапшырылды. Юлия Ивановна исинин басы деп балалар ман, атааналар ман тил тавып, окувшыларга терен билим, ийги тербия беруьв деп санайды. Аьр бир балага маьне берип карайды, олар да окытувшысын бек суьедилер.

Октемсидилер Милана ман ата-анасы. Кургановларга школа администрациясы, класс етекшиси атынан кызын ийги тербиялаганы эм школа яшавында катнасканы уьшин разылык хатлар тапшырылган. Милана бийимеге суьеди, ол – Балалар яратувшылык уьинде хореограф Нина Халилова етекшилейтаган "Юлдызлар" биюь куьбинин солисткасы.

Милана – бавырмалы, тань кызалак, тенъ-дослары ман аьллесип болады, дослык сезими де ога ят тувыл. Соьйтип, уьстинликлер мен алдыга абытлайды Милана. Ога келеекте коьп ийгиликлер эм бийикликлер сагынамыз эм онын енъуьвлерине суьйинемиз.

Г.БЕКМУРАТОВА.
Суьврете:
М.Курганова.

ОРЫС ТИЛИН УЬЙРЕНЕМИЗ

Шаирлик дуныясынын есиринде

Шаирлердин бири-си "Шынты поэзия бир зат та айтпайды, ол тек амалларды коьрсетеди. Баьри капыларды да ашады. Сен оьзинъе келискен капыды ашпага боласын" деп айткан. Ушыны ман да шынты шаирлик баьри капыларды да ашады. Аьлиги заманда ятлав окыйтаганлар аз, яслар китап окымага суьимейдилер, белгили шаирлеримиздин яратувшылыгы ман кызыксынмайды деген ойда мен токтаскан эдим. Болса да сондай ойга шеклендим, неге десе оьспирлеримиз ятлаьды, кайтип ярасыклы этип яттан окыганына шайыт болдым.

Яньыларда Ногай район орталык китапханасынын куьлыкшылары яттан ятлав окыйтаганлар арасында конкурс озгардылар. Терекли-Мектеб авыл Джанибеков эм Кадрия атындагы школаларынын 9-11-нши класстарынын окувшылары Сергей Есениннин, Марина Цветаевын, Александр Блоктын ятлавларын окыдылар. Олардын ят-



тан окыганына баа берген тоьрешилер сырасына "Шоьл тавысы" республикалык газетасынын боьлик редакторы Гульфира Бекмуратова, Ногай патшалык драмалык театрынын актрисасы Бурлиант Нургишьева, Ногай район маданият уьйинин куьлыкшысы Гульфия Кокоева кирдилер.

Конкурсты библиограф Арина Якубова юритти, ол келген конакларды, конкурс катнасувшыларын, юри агзаларын хош алып, шаирлер

акында хабарлады. Конкурста 12 окувшы катнастылар, олар баьриси де сайлап алган ятлавларын ийги этип окыдылар. Олар уллы орыс шаирлеримиздин юзлеген йылар артта язылган ятлавларын окып, бизге олардын сезимлерин коьрсеттилер.

Сергей Есениннин "Письмо женщине" деген ятлавын эки окувшы окыды. Кызлар оьзинше бизге шаирдин оькинишли эм йылы сезимлерин коьрсеттилер. Биринши орынга Джанибеков

атындагы школадын 11-нши классынын окувшысы Милана Курманбаева алды. Экинши орынга Кадрия атындагы школа 11-нши классынын окувшысы Гульжана Аджатаева тийисли болды. Уьшинши орынды бир тавыстан юри Кадрия атындагы школа 9-ншы классынын окувшысы Алтана Кокоевага берди. Ол Александр Блоктын "Демон" деген ятлавын окыды.

Быйыл Адабият йылы деп беркитилген Россия бойынша, район китапханаларында адабият кешликлер, йолыгыслар оьтип турады. С.Есениннин, М.Цветаевын, А.Блоктын яратувшылыгына багысланган конкурс бизим юреклерди шаирликтин есирине туьсирди. Оьсип келеяткан неслимиз ярасыклыкты коьрип те, янындагы сезимлерин коьрсетип те болатанына сол куьн баьримиз де шайыт болдык.

Г.АБДУЛАКИМОВА.
Суьврете: енъуьвши М.Курманбаевады савгалаь мезгилинде.

Коьнъилди коьтерген шаралар

Йылдынъ ызында районымыздынъ маданият учреждениелери яшавшыларга эсап берувъ шаралар коьрсетедилер.

Янъыларда Кара-Су авылынынъ маданият куллыкшылары да концерт уйгынладылар. Авыл маданият уйинде китап выставкасы, аьдетли маданият орталыгынынъ муьйиси аьзирленди. Мунда халк яшавшылары ман

* * *

Янъыларда район маданият уйинде йыл сайын озгарылатаган балалар биов конкурсы оьтти. Конкурста 14 авылдан балалар биов куьплери катнастылар. Олар Сырт Кавказ халкларынынъ бирер биовин бийидилер. Конкурстынъ сырагыларына коьре 1-нши орынга Лениаул, 2-нши орынга Орта-Тоьбе,

* * *

Янъыларда Махачкалада ДР Маданият министерствосы эм яратувшылык уьйи мен "Курткашаш" деп халк яратувшылыгы, фольклор, этнография, тарих акында видео эм анимациялык фильмининъ 13-нши регионаллык ярысы уйгынла-

* * *

Махачкалада Россия халкларынынъ аьдетли маданиятынынъ орталыкларынынъ республикалык форум-фестивалине келисте гала-концерт уйгынланып оьтти. Онда Патшалык этнографиялык биов "Айланай" ансамблининъ солисти Ариф Темиров ортакшы-

бирге авыл акимбасы да шакырылды. Концерттинъ программасы туьрли жанрлардан туьзилген. Айтпага, биовлер, йырлар, ятлавлар. Шарада йырлавышы Фарид Шомоева да ортакшылык этти. Яшавшылар атыннан Енали Копиев, Бальбек Арикбаев, Умар Компазов эм баскалар шыгып соьйледи-лер.

3-нши орынга Червленные Буруны эм Куьнбаттар авылларыннан келген балалар тийисли болдылар. Каравшыларга Шумелик авылынынъ балаларынынъ биови ярады. Баъри енъувши куьплер "Ногайский район" МО администрациясынынъ маданият боьлигининъ Сый грамоталары ман савгаландылар.

нып оьтти. Несилден-несилге коьшкен "Балады бесикке салув" деген бурынгы ногай аьдети акында видеоролиги уьшин Солтан-Мурат Караянов ДР Маданият министерствосынынъ дипломына тийисли этилди.

Н.ХАЛИЛОВА.

БАБАЮРТ РАЙОНЫ

Яратувшылык йолыгыс

Янъыларда Бабаюрт авылынынъ "Тангчулпан" Россия халкларынынъ аьдетли маданият орталыгында "Каспий" Дагестан Патшалык биов ансамблининъ район яшавшылары ман яратувшылык йолыгысы болды. Йолыгыс катнасувшылары сырасында Дербентеги анъ училищединъ вокалистлери де бар эди. Концерттинъ программасына Дагестан халкларынынъ туьрли тиллериндеги йырлар эм туьрли биовлер кирдилер.

Йолыгыста яратувшылык десанттынъ яслардынъ патриотлык як-тан тербиялавга, халк саниятларын эм маданият аьдетлерининъ кенъ яй-

ылувга каратылган маънели борышы белгиленмей калмады.

Эске салайык, яратувшылык йолыгыслар – десантлар 2014-нши йылдан алып Дагестан Республикасынынъ оьрленувининъ "Аьдем капиталы" приоритетли проектининъ бирисин яшавга шыгарув мыратта оьтедилер. Олар Дагестан Республикасынынъ Маданият министерствосы ман уйгынланадылар. 2015-нши йыл яратувшылык десантлар Уллы Енъувдинъ 70 йыллык мерекесин, Россияда Адабиат йылын эм Дербенттинъ 2000 йыллыгын белгилев бойынша оьтедилер.

Аьдемлерди оьзине тартатаган ер

Буьгуьнлерде Элимиз бойынша бир неше мынълаган китапханалар коьп китаплер топламалары ман оьз окувшыларын куьтеди. Онда куллык этетаганлар оьзлерининъ оьлшемсиз яратувшылык иси мен яшавды маънеге толтырадылар, кызыклы шаралар озгарув ман оьзлерине аьдемлерди тартадылар: балалар да, ясуьйкенлер де мунда художестволык яратувшылык дуниясына коьмиледи-лер. Бар сондай китапхана шоьл баврайында яйрап конган Кумлы авылында да. Ол оьз кесписининъ устасы Рабият Менлиалиевадынъ кыйын салувы ман аьрекет этеди.

Беслан кайгысынынъ сеси

Беслан каласында болган казадынъ акында коьплер биледилер. 2004-нши йылдынъ сентябринде террористлер Беслан школасын бийледилер. Окувшыларды коршалап, он сегиз окутувшы йырткыш айванларга усаслы террористлердинъ куьллериннен ян бергенлер. Ишинде физкультура дерисин юритувши окутувшы Иван Константинович Каниди бар эди (ол 74 ясында эди).

Мине бу кайгылы куьннинъ эстелигине багыслап китапханашы Рабият Менлиалиева Кумлы авыл орта школасынынъ окувшылары ман "Терроризм – аьлиги ямагатка кавыф" деп дерис озгарды.

Деристе солай ок 9-11-нши класс окувшы-



лары Сирия Араб Республикасында туьзилген аьллерди ортага салып

ойластылар.

Ясларга сырасына туьспеге шакыратаган

ислам куьплерге сак болып карамага маслагат берилди.

Поэзия саьати

Аты сав дунияга белгили уллы дагестан шаири Расул Гамзатовтынъ яратувшылыгы бойынша Кумлы авыл китапхана етекчиси Р.Менлиалиева ерли школадынъ 9-ншы класс балалары ман, "Яшав шаири – халк шаири" деп, поэзия саьатин озгарды. Сол класстынъ окувшысы

М.Менлиажиева йыйылганларга шаирдинъ биографиясы эм яратувшылыгы акында кызыклы хабарлады. Окувшылар Ф.Менлиалиева, А.Насырова, Ф.Суюндигов Р.Гамзатовтынъ ятлавларын яттан усташа окуп эситтирдилер. Йыйылганлар шаирдинъ есирине бийлендилер.

Кызыклы дерис

Дагестан халкларынынъ бирлик куьнине багысланып, Кумлы авыл школасынынъ 8-9-ншы класс окувшылары ман "Биз дослык пан куьшли" деп китапхана дериси болып озды. Онда 9-ншы класс окувшысы Ф.Менлиалиева шыгып соьйлеп, Дагестаннынъ туьрли миллетли халкла-

ры ара катнаслар акында, олардынъ дослыгы акында кызыклы хабарлады. Халклардынъ дослыгы эм бирлиги акында айта берип, окувшылар Фазу Алиевадынъ, Расул Гамзатовтынъ, Кадриядынъ ятлавларын яттан оқыдылар.

Дерис коьнъил коьтерилисте оьтти.

АВЫЛ ЕРИНДЕ

Байрам халкты бирлестирди

Нариман авылынынъ яшавын кызыклы этувъ мырад пан "сельсовет Коктюбинский" СП МО-сы коьп кызыклы шаралар озгарувда ортакшылык этип келеди. Айтпага, онынъ спонсорлык ярдам этувъи мен янъыларда Нариман авылында уьш дережели Данък орденлерининъ иеси А.Асановтынъ эстелигине багысланган 41-нши волейбол турнири оьтти.

Россия Халкларынынъ бирлесувъ куьнининъ байрамы да Нариман авылында шатлык-лы аьлде белгиленди. Куьннинъ сувук эм елли болувына да карамастан, авыл яшавшыларына деп Нариман авылынынъ сырт-куьнтувар

ягында авыл хозяйство ярмалыгы, ат шабыс ярысы озгарылды.

Ярмалыкта туьрли ясылшалар, емислер, эт продукциясы сатылдылар. Эт продукциясын оьз КФХ-сыннан "сельсовет Коктюбинский" СП МО акимбасы З.Суюндигов, Терекли-Мектеб авыл предприниматели С.Аблезов, Батыр-Мурза авылыннан Т.Эстувганов эм сондай баскалар ярмалыкка емис, ясылшады куьндегилик баалардан колай этип саттылар.

Байрамга багысланып ат шабыс ярысы да озгарылды. Ат шабыс ярысында Буденновск, Буйнакск, Каспийск калаларыннан, Нефтекумск районынынъ Озек-Суат,

Тукуй-Мектеб, Абрам-Тоьбе авылларыннан, Ногай районынынъ Терекли-Мектеб, Нариман, Карасув, Червленные Буруны авылларыннан яслар ортакшылык эттилер.

Ат шабыс ярысы 5 кезекте озгарылды. Биринши кезекте 1400 шакырымга эки яслык атлар арасыннан Буйнакск каласыннан М.Атаевтинъ аты 1-нши орынга тийисли этилди. Экинши эм уьшинши кезеклерде уьйкен яслы атлар арасында 1400 эм 1600 шакырымга шабысувда Нариман авылыннан З.Суюндиговтынъ, 4-нши кезекте 2000 шакырымга шабысувда Терекли-Мектебтен А.Кельжанов-

тынъ, 5-нши кезекте 2800 шакырымга Буденновск каласыннан А.Максутовтынъ атлары биринши орынга тийисли этилдилер. Солай болып экинши эм уьшинши орынларына тийисли болган енъувшилер де белгилендилер. Енъувшилерге биринши орынга 12 мынъ, экинши орынга 8 мынъ, уьшинши орынга 5 мынъ маьнет акша савга кебинде тапшырылды.

Байрамга карыжлар "сельсовет Коктюбинский" СП МО-сы ман шыгарылды.

Байрам йыйылганларга йогары коьнъил ко-сты, юреклеринде дослык эм бирлесувъ сезимлерин беркитти.

Г.НУРДИНОВА.

Асылымызды билемиз бе?

2015-нши йылдынъ 20-ншы сентябриннен алып, "Россия асылы" деп, экинши Савлайроссиялык конкурс озгарылады.

Сонынъ бас мырады: аьел баалыкларыннан россия патриотизмин тувдырув, Россия маданият, ийги ис аьдетлерин коьбейтуув эм саклав. Солай ок Россия экономикасына, социаллык, маданият оьрленуевине косымын эткен тукумларды билуув, ашыклав.

Бу конкурсты "Россия" Ортакроссиялык ямагат организациясы ман Россия журналистлер Союзы уйгынлаганлар.

Бу конкурстынъ биринши кезеги 2015-нши йылдынъ 20-ншы сентябриннен алып 2016-ншы йылдынъ 10-ншы мартына дей-

им болаяк, а экинши кезеги – 2016-ншы йылдынъ 11-нши мартыннан 15-нши майына дейим.

Конкурста катнаспага суьйгенлердинъ ясына, ислеитаган, яшайтаган ерине каралмайды. Баьри яратувшылык куллыклар да караладылар.

Конкурстынъ ызында "Россия асылы" деп йыйынтык баспаланаяк.

Сол конкурста "Оьмирден оьмирге", "Сол кеспиде – аьел", "Россия оьктемлиги" деген номинациялар болаяклар.

Конкурста катнаспага суьйгенлер, аьзирлеген яратувшылык куллыгынъызды е-mail: ooo_rossiy@mail.ru адрес пен йиберинъиз.

Дагестан оьктемлиги

ДР маданият министри Зарема Бутаевадынъ баславы ман быйылдынъ 24-нши ноябриннен баслап, "Дагестан оьктемлиги" деп, оьнерли балалардынъ телевизионлык конкурсы озгарылмага каралады. Ол тоьмендеги номинациялар бойынша оьтеек:

- йыр йырлав;
- саз алатларда ойнав;
- хореографиялык саният;
- цирк санияты.

Конкурс 25-нши декабрьде

ФОРУМ

Катнаспага боласыз

Быйылдынъ 11-13-нши декабрь куьнлеринде Екатеринбург каласында "Кинохакатон-2015" кино стартаперлардынъ III Форсайт-форумы оьтеек. Онынъ мырады – оьнерлилерди излестирув эм яклав, кино тармагында талап этуевдинъ ортак дережесин арттырув, куьндеслик маьнеси бар проектлерди эм технологияларды тузуув.

Форумга йыл сайын элиминдинъ туурли регионларыннан

кино, анимация эм ТВ-сериаллар туьзуувши яслар оьз проектлерин йибередилер. Катнасувылардынъ бас мырадлары – информация эм финанс партнерларды, инвесторларды, дистрибьюторларды, оьз проектлери уьшин командады излестирув.

Толы информацияды шарадынъ официаллык сайтында билмеге боласыз: <http://www.kinohakaton.ru>.

КОНФЕРЕНЦИЯ

Шара сырагылары келтирилди

Махачкала каласында озган айдынъ ишинде халклар ара "Мусылманлар бирлигин беркитуевде халклар ара сулып: аьлиги заманнынъ йосыклары эм кеплери" деген тема бойынша конференция оьгтти. Шарада мусылманлар аьлимлерининъ Савлайдуныялык союзынынъ агзалары катнастылар.

Шара сырагыларын келтире келип, конференция катнасувылары бир ойга келдилер. Олардынъ айтувына коьре, мусылманлар – биргелес умма, олар оьз борышларын, парызларын миллетке, туратаган элге карамастан, толтырадылар. Мусылманлар арасында байланыс Киели Куранга таянып тутылмага керек, Кудай айткан: "Бир-биринъизге ийгиликте эм динди тутуда коьмек этинъиз". Дин бойынша кардашлардынъ ыхтыярылары суьйим, бир-бирисин коь-

тергишлев, муьлкке, Аталыкка эм намыска алаллык пан карав болады. Дин соравлары бойынша аьдемге карарды (фетва) аьзирлемей шыгармага ярамайды. Халклар арасында тынышлык, олардынъ бактылары ман байланыслы фетва ислам дуньясында белгиленген аьлимлер мен шыгарылмага керек. Фетвалар заманы, ери, ойлары, аьдети мен баскаланадылар: биревлерге келискен фетвалар баскаларга келиспей коймага болады. Джихад – шариат талаплавлары ман беркитилген амалларга келисли шариат токтасы, ол тек согысув тувыл, онынъ маьнеси коьп. Джихадты айырым аьдемлер озгармага керек тувыл, оны юритпеге тек халклардынъ эм етекшилердинъ ыхтыярлары бар. "Ахлю сунна валь джаама" – мусылманлардынъ "ахлюкибла" об-

"Ногайский район" МО Терроризмге карсы комиссиясы.

ЯШАВШЫЛАР ЭСИНЕ

Уьйлеринъизди от туьсуувден сакланъыз

Йыл сайын Россияда сувыклардынъ басланувы ман бирге от туьсуувлер саны да коьбейип баслайды. Яз шагы ман тенълестиргенде, бу коьрсетим 33 процентке оьседи. Статистика коьрсеткенлей, от туьсуувлер эм соларда аьдемлердинъ оьлими коьп ягыннан турак уьй тармагында болаганы белгиленген.

Куьнлер сувыгып баслаганда яшавшылар уьйлеринде электротехникалык эм баска туурли йилув ислеп шыгарагаган алатларды кулланып баслайдылар. Аьдетке коьре мундай заманда от туьсуувлердинъ хыйлысы электротехникалык себеплерден тура болады. От туьсуув кавыфсызлыгыннынъ талаплавларына коьре электротехникалык эм йилув ислеп шыгарувшы алатларды курганда эм кулланганда айырым правилолар токтастырылган. Соларды дурыс кепте тутув аьр кимге де от туьсуувден сакланмага аьруув амаллар береди. Электро-

алатларды кулланганда ярамайды:

- электроэнергия приемниклерин солардынъ инструкцияларында белгиленген йорыкларга келисиз аьлдерде кулланув, яде сынык, иске яравсыз, оларды кулланганда от туьспеге болаган приемниклерди, солай ок изоляциясы йыртылып, коршалав амаллары осаланган электротеллерди эм кабельлерди кулланмага;
- сынык, иске яравсыз розеткаларды, рубильниклерди, баска электроалатларды кулланмага;
- стандартка келиссиз (колдан ясалган) йылытувшы алатларды, калибри келиспейтаган, ирийтаган вставкаларды яде токтынъ куьшленуьвиннен эм теллердинъ косылуьвыннан коршалав уьшин колдан ясалган алатларды кулланмага;
- конструкциясында коьрсетилинген йорыкка келиссиз, терморегуляторлары йок яде сынык болган электройылытув алатларды кулланмага.

щинасы, онынъ маьнесин туьрлендирмеге суьетаганлар дурыс этпейдилер, сондай ой биргелес уммага карсы турады. Мазхаб тутув – илми йорык, аьлимлер оны дурыс коьредилер. Уммадынъ аьлимлери "салаф" деген соьзди ислам йылязбасынынъ тек биринши юзйылыгына кулланмага деп токтастылар. "Иджтихад" деген соьздинъ оьз шартлары бар, кимде сол шартлар йок болса, ога "иджтихад" юритпеге ярамайды.

Шарадынъ тамамында катнасувшылар Дагестан аькимбасына эм халкына конференция озгармага онъайлы амаллар туьзгенине, йылувык пан хош алганына разылык билдирдилер. Олар Дагестан халкына онъайлы яшав, тынышлык эм кавыфсызлык йорадылар.

Пеш ягув заманы басланаяктынъ алдында пешлер, котельныйлар, баска йылытув алатлары эм йылытув тармаклары тергелмеге эм ярастырылмага тийисли. Уьйдеги пешлер эм йылытув алатларынынъ токтастырылган нормаларга коьре янмага амырак болаган конструкциялардан от туьсуьвге карсы боьлдиклери болмага керек. Оннан баскалай, бу от туьсуув ягыннан кавыфлы шахта от туьсуувлердинъ саны оьсуьвине электройылытув алатларды ер-ерде кулланувдан тура электротармакларга келетаган куьштинъ артувы да себеп болады.

Ногай районнынъ сыйлы яшавшылары! Куьз-кыс заманында пеш якканда, электройылытув алатларды кулланганда сак болынъыз, ис орынынъызда да эм уьйинъизде де от туьсуьвге карсы правилоларды тутынъыз!

Г.КАЗАНФАРОВ,

Ногай районы бойынша ОНД эм ПР начальниги.

ЭС ЭТИНЪИЗ

Куллыксызларга ярдамга

Куллыксыз гражданларды Дагестан Республикасынынъ кырында иске ерлестирув ниет пен Санкт-Петербургта Регионлар ара вакансиялар ярмалыгы оьткериледи. Бу ярмалык солай ок куллыксыз гражданларга эм олардынъ аьеллерине ис пен байланыста баска ерге коьшпеге коьмек этуув уьшин озгарылаяк. Ярмалык соны ман бирге ис орынларына кандидатларды (бу ис орынларга шет эллер куллыкшыларын алмага каралган эди) айырув бойынша видеосойлесуув кебинде бар-

дырылаяк. Бу шара быйылдынъ 26-ншы ноябринде куьндизги 12 саьаттен 15 саьатке дейим "Skype" программасы ман Терекли-Мектеб авылы, Карл Маркс атындагы орам, 25 адреси бойынша оьткериледи. Телефоны: 8 8 7 (2 5 6) - 2 1 - 3 - 0 8 , электрон почтасы: nogczn@rambler.ru. Ярмалыктынъ катнасувшылары уьшин сайт ашылган: www.mbt-servis.pf эм сонда куллык беруьвшилердинъ вакансиялары ерлестирилген.

"Ногайский район" МО-дагы ДР ЦЗН ГКУ

ИЗВЕЩЕНИЕ о проведении открытого аукциона по продаже муниципального имущества

1. Форма торгов – открытый аукцион по закрытой форме подачи предложений по цене.
2. Организатор торгов – Администрация муниципального образования "Ногайский район".
3. Решение принято постановлением администрации муниципального образования "Ногайский район" от 02 ноября 2015 года № 343.
4. Место проведения аукциона – РД, Ногайский район, с.Терекли-Мектеб, ул.К.Маркса, 15 (здание администрации Ногайского района) датой проведения конкурса является рабочий день, следующий после истечения 30 дней со дня опубликования извещения в СМИ, время проведения аукциона - 09 ч.30 мин.
Предмет аукциона:

ЛОТ № 1 – автомобиль марки ВАЗ 217230 2011 года выпуска, идентификационный номер ХТА 217230В0182328. Начальная выкупная стоимость составляет – 50000 (пятьдесят тысяч) рублей, шаг аукциона (составляет 5% – 2500 руб. Сведения об обременении отсутствуют. Сумма задатка составляет 20 % – 10000руб.
5. Заявки на участие в конкурсе принимаются в запечатанном конверте в течение 30 дней со дня опубликования в СМИ по адресу: РД, Ногайский район с. Терекли-Мектеб, ул.К.Маркса.15 (здание администрации Ногайского района) по рабочим дням с 8.00 до 17.00 по московскому времени. Вместе с заявкой подаются следующие документы:

для физических лиц – до-

кумент, удостоверяющий личность либо доверенность представителя; для юридических лиц – заверенные нотариально копии учредительных документов и свидетельства о государственной регистрации юридического лица; документ, подтверждающий внесение задатка для юридических и физических лиц.
6. Задаток вносится по реквизитам: УФК по РД (Администрация МО "Ногайский район, л/сч. 05033928360) ИНН-0525140640. КПП – 052501001, ОГРН – 1100531000020, ГРКЦ НБ РД Банка России г. Махачкала, БИК – 048209001, р/сч. – 40302810500003000283, л/сч. – 03033928360, ОКATO – 822400000001, назначение платежа – обеспечение кон-

курсной заявки.

7. Договор заключается по истечении 5 дней со дня подписания протокола результатов конкурса.

8. Дата, время и место определения участников аукциона рабочий день, после истечения 30 дней со дня опубликования извещения в СМИ в 9ч.30 мин. по московскому времени по адресу: РД, Ногайский район с.Терекли-Мектеб, ул.К.Маркса,15 (здание администрации Ногайского района).

9. Предоставление документов для принятия участия в аукционе, оформления заявки, договора о задатке и место проведения аукциона по адресу: РД, Ногайский район, с.Терекли-Мектеб, ул.К.Маркса,15 (здание администрации Ногайского района).

ШАНГЕРЕЕВ Р.С.

Глава администрации МО "Ногайский район"

СЕРГЕЙ ЕСЕНИН ТУВГАНЛЫ – 120 йыл

Олимпсиз оьнер



"Сергей Есениннинъ ятлавларын бу куьнлерде окыган кимик, келеекте де аьдемлер окыягына шекленмеймен, онынъ ятлавлары бир де картаймас, неге десе оларда дайым янлы поэзиядынъ каны ювырады", – деген С.Есениннинъ яратувшылыгы акында онынъ замандасы Н.Тихонов. Бу союзлердинъ акыйкатлыгын заман коьрсетти. Поэттинъ яратувшылык йолы 1914-нши йыл "Береза" деген ятлавы Москвадагы "Мирок" журналында шыкканнан сонъ басланды. Муннан тувра юз йыл алды Пушкиннинъ биринши ятлавы дунья ярыгына шыккан. Сол заманларда биревде ойламаган болар бу белгисиз автор, уллы Пушкиндей болып, халктынъ юрегинде дайымларга калар деп. Болаяк язувшыдынъ балалыгы атайынынъ уйинде оьткен. Мунда ол энесиннен коьп эртегилер, конаклардан коьп сарынлар эситкен, сонъында ятлавлар язганда оларга негизленген. Атайынынъ талаплавлы ман кишкей Сергей 5 ясында окып уйьренген, биринши ятлавларын болса 8-9 ясында язган.

Аьр бир аьдемнинъ яшавында маьнели йолыгыслар, оьзгерислер, аьдемлер болады. Сергей Есениннинъ яратувшылык йолында сондай аьдем Александр Блок эди. Петроградка коьшкенде, С.Есенин тек бир ялгыз байлыгы – явлык-

Францияга, Бельгияга, Италияга барган, США-да доьрт ай яшаган. Тис эллерден кайткан сонъ, поэт ушин бек кыйын заман басланды. Критика оны сол заманнынъ адабиятынынъ борышларына келиспейди деп куьналедди. Сол авыр йылларда ол савлыгын да йойып баслады. Аьжейипке, бу заманларда онынъ калеми астында энъ де ийги шыгармалары тувдылар.

1925-нши йылдынъ 14-нши декабринде Сергей Есенин "Черный человек" поэмасын язып кутарады, сол шыгарма уьстиннен ол эки йыл узагында ислеген. Поэма поэт оьлген сонъ баспаланган. 27-нши декабрьде ол оьзининъ энъ ызгы ятлавын каны ман язып досына калдырган. Сол кеше ян берген поэтти "Англетер" гостиницада тапканлар.

Есениннинъ ятлавлары ман биз бала заманнан алып таныс. Мен онынъ ятлавларын суьйип окыйман. Янга тийген сыдыраларды суьймей болмайсынъ. Есениннинъ поэзиясы дайымларга, неге десе ол дайымлык акында язады: ана акында, Тувган Эл, табият, суьйим акында.

С.Есениннинъ Тувган Эл акындагы ятлавлары мунъшылыктынъ юка йиби мен оралган демеге болады. Поэттинъ яшавы элимиздеги уллы туьрленислер, революция заманына келген, сол онынъ яратувшылыгында ыз калдырмай болмаган. Автор алдынгы, заманлардан тура кайгырады. Бала эм ол яс заманындагы Россияды сагынады. Тагы да мага бек ярайды онынъ анасына багыслап язган ятлавлары. Онынъ сыдыраларын окыган инсан кайтип поэт анасын суьйгенин, кайтип ога яны авырыганын сезбей болмайды.

Сергей Есенин яшавдан айлак эрте, 30 ясында кешкен, аз яшаса да, ол бизге бек бай асабалык калдырган.

Н.КОЖАЕВА.

Суьвретте:

С.Есенин.

Сыбырдайды куьз ямгыры хабарын

Куьз – йылдынъ аьлемет шагы. Табиат бизим каравымыз алдына ярасык суьверет аькеледи: туьрли бояклар, аяктынъ астында сары, кызыл шырылдаган япыраклар. Олар сав дуныяды бийлегенлер. Тап биювдегиндей айланадылар. Тереклер япыракларын туьсирсе де, оьз ярасыклыгын йоймайдылар. Бизди туьрли сезимлер бийлей-

дилер: коьнълисизлик, паракхатлык, келеектеги ийгиликке сенуьв... Сонынъ ушин куьз шаирлердинъ янына якын шак болганы да. Суьйикли шагына багысланган коьп ярасык ятлавлар тувган олардынъ калеми астында. Ятлавларды окып, аявлы окувшылар, биз де туьрли сезимлерге коьмилейик.

Н.ЭРЕЖЕПОВА.



МАГОМЕТ КОЖАЕВ

Куьз йыры

*Айырылыс келди
Куьзде бизге де,
Юреклер мен
Биз энди алыста.
Тек юректинъ
Ярык эси аьли де
Аькетеди бизди
Эски бавларга.*

*Мен бараман
Тереклердинъ
касыннан...
Япыраклары
Туьскен аьли
опардынъ.*

*Олар язда
Экевимизди
коьп заман*

*Япкан эди
Сувларыннан
ямгырдынъ.*

*Теренъинде
Бизим бавдынъ
аьдемлер*

*Япыракларын
Тереклердинъ ягады.
Эм эскен ел
Туьтини мен
опардынъ
Бавга бизим
Кайгымызды яады.*

*Япыраклар коьрген
Бизим суьйимди,
Олар оны*

*Ямгырлардан
саклаган.
Дуныяда тек
Тек экевимиз калганда
Аьдемлердинъ
Коьзлериннен
ясырган.*

*Янадылар
Япыраклар кайгылы,
Туьтин яба
Япыраклар уйимин.
Сол туьтинлер
Туьыл мекен туьтини
Бизим шаксыз
Куьйип кеткен
суьйимнинъ.*

МУРАТ АВЕЗОВ

Куьз де келди

*Куьз де келди, япыраклар давысы
Сыбырдаса, сокпакларга тоьзилген.
Куьз де келди, терен алып тынысын,
Саьвлеси мен сувык шыктай
себилип.
Яй да кетти ялынына янтайып,
Куслар сеси туьссиз коькты*

*мунъайткан.
Куьз де келди ашылады калтайы:
Тоьгеректи алтыны ман ялаткан.
Озып кетти яй куьнлери оькнип,
Йылтынлары акырыннан тымады.
Куьз сезеди оьз йолынынъ эркинин,
Ел уьзеди озып пискен алмады...*

М.ЛЕРМОНТОВ

Ызан бойда саргайган япыраклар

*Ызан бойда саргайган япыраклар,
Ушып-ушып айланады авада,
Тек йойытпай ясыллыгын саклайды.
Май карагай тереклери орманда.
Туьски мезгил испериннен сонъ
арып,*

*Белин язган кая ярлар уьнгиси,
Шешекейи арасында тыгылып,*

*Ял алмага энди суьймес эгинши.
Амалсыздан алгасайды кыр айван,
Онынъ тек бир ясырынув ойында.
Йылтыратар койы туман ишиннен,
Данъыл бойды кешедде куьнъирт
ай да.*

**Орышадан Г.НУРДИНОВА
коьширген.**

САЛИМЕТ МАЙЛЫБАЕВА

*** * ***

*Алтын куьз каралдымда,
Йылтырайды тоьгерек,
Яслык шагым ойымда,
Картаймай-экен ав юрек.
Таза ава, куьлтуьс коьк,
Бек суьемен бу шакты,*

*Аяк асты сары тоьсек,
Куьн де сары шашаклы...
Алтын куьзди суьемен
Авасына тоялмай,
Тагы оны коьремен,
Боларман ма язалмай...*

ДАГЕСТАН ЧЕМПИОНАТЫНДА

Йигерли ясларымыз сукландырдылар

Яслардынъ спортка бет беруь-ви, олардынъ уьстинликлери бизди суьйиндирмей, сукландырмай болмайды. Районымыздынъ яслары, туьрли ерлердеги базласларда катнасып, баргылы орынларды бийлейдилер.

Янъыларда Дагестан Республикасынынъ Избербаш каласында тайский бокс бойынша ДР чемпионаты эм бириншилиги болып оькти. Мунда Махачкала, Кизляр, Каспийск, Хасавюрт калаларыннан, Ногай, Тарумов районларыннан 250 спортсменлер катнастылар.

Бизим районнан айтылган чемпионатта "Ногайский район" МО-сында 2-нши номерли Балалар-яслар спорт школасынынъ тайский бокс бойынша тренерлери Алибек Менласановтынъ басшылавы ман орта эм уьйкен класслардан 14 спортсмен ортакшылык эттилер.

ВОЛЕЙБОЛ

Конаклар енъдилер

Янъыларда Ногай район орталыгы Терекли-Мектеб авылынынъ спорт комплексинде "село Терекли-Мектеб" СП МО администрациясынынъ аькимбасы Зейдулла Аджибайрамовтынъ кубогы уьшин волейбол ойыны бойынша турнир озгарылды.

Айтылган турнирде баьриси 4 командалар: конъысы Нефtekумск районнынъ Абрам-Тоьбе, Терекли-Мектеб (яслар), Калинин эм Ленин авылларынынъ йьйылма, Нариман эм Терекли-Мектеб (спорт ветеранлары) авыл командалары катнастылар.

Турнир ярысларын Калинин эм МАЬСЕЛЕ



Олардынъ арасында баргылы орынларды онавы бийледи. Биринши орынга: К.Джумаев, А.Аквишиев, Э.Махмудов, И.Аманбаев

(А.Джанибеков атындагы школасы), К.Елманбетов, И.Межитов, Ш.Межитов (Кадрия атындагы школасы), экинши орынга: А.Шам-

билов, А.Джумаев (А.Джанибеков атындагы школа), уьшинши орынга Т.Аджигельдиев (А.Джанибеков атындагы школа) тийисли болдылар. Тербияланувшыларынынъ уьстинликлерине сукланып, А.Менласанов суьйинишин ясырмады: "Ногай районнынъ тайский бокс бойынша яслар йьйылма командасынынъ 14 окувшылар сырасыннан 10-навы баргылы орынды бийлегенлер. Ол биз уьшин бек куванышлы. Бизим яслар спорт усталыгын, куьресуьв касиетлерин коьрсеттилер. Бизим команда тайский бокс бойынша Дагестан Республикасында энъ де ийги экенине йьйылганлар аьли де бир кайта шайыт болдылар", – дейди ол.

Н.КОЖАЕВА.

Суьвретте: енъуьвши А.Аквишиев (солда).

дуныяга тынышлык, савлык бере-ди, – деди С.Муллаев.

Волейбол турнири бек кызык-лы, шынты спорт куьреси эм дос-лык негизинде оькти. Волейболшы-лар ийги ойнамага шалысса да, ызында тек бирев енъеди. Соьйтип, турнирде Абрам-Тоьбе авыл командасы енъди эм кубокты оьзи мен аькетти. Экинши орынды Терекли-Мектебтинъ яслары эм уьшинши-ди Нариман авыл командалары алдылар. Турнирдинъ ийги ойнавшы-лары деп Адильхан Койбаков (Терекли-Мектебтинъ ветеранлар командасыннан), А.Исмаилов (Абрам-Тоьбе), А.Култаев (Терекли-Мектебтинъ яслар командасыннан) белгилендилер.

М.ЮНУСОВ.

АЯВЛЫ АНАЛАР!

Биз йылда энъ де ийги куьн-ди – Ана куьнин белгилеймиз. Ол юрек юмсаклыгына, суьйимлик-ке эм ана акында энъ йьлы сезимлерге толган байрам. Бизим аьр биримиз дуныядагы баьрин-нен де аявлы, ювык эм сондай да тувган аьдемимиз – оьз анамыз-ды алгысламага борышлы болган байрам.

Ер юзиндеги баьри тиллер-деги совзлер де етисип болмаяк сизге, бизим баалы аналарымыз, оьзимиздинъ разылыгымызды, ян оьзеленуьвимизди эм суьйим-лигимизди билдирмеге.

Оьзинъиздинъ баланъыз-дынъ балдай таьтли уйкысын саклап, сиз коьп туьнлерди уйкламай оьткергенсиз. Сиз оны биринши кере биринши класска элтегенсиз: оны ман бирге шко-ла йьлларын эске алып оьктем-сигенсиз, янынъызды онынъ уьшин авырткансиз. Соьйтип куьннен-куьнге, йьлдан-йьлга сиз оьзинъиздинъ исси ана юре-гинъиздинъ йьлуьвлыгын берип, оьз балалары-нъыз акында каьр шеккенсиз эм энди де шегесиз. Сизди ак юрегимизден бай-рамынъыз бан кутлаймыз. Сиз-ге уйкен ана наьсибин, берк ден савлыкты, суьйимликти эм си-зинъ кыйынынъызга разы болган балаларды йораймыз.

С.АБУБЕКЕРОВА,

Ногай район хатын-кызлар советининъ председатели.

ВРАЧ БИЛДИРЕДИ

Заманы ман тергелейик

Балалар диспансеризациясы – комплексли профилактикалык тер-гев. Сол пайдалы зат, биз заманын-да балаларымыздынъ авырувлары-нынъ алдын шалмага боламыз. Со-нынъ уьшин заманында (эмлевши-лер айтатаганда) диспансеризаци-яды оьтпеге керек. Соны балага бир, уьш, алгы, тогыз айлар деген-де, бир ясына толганда эм оннан сонъ, йьл сайын оьтпеге керек бо-лады. Бала бир ясына толганша бир неше кере оьтетаганы сейирли ту-выл, неге десе онынъ ден савлыгы-нынъ негизи сол заманларда бер-кийди.

Комплексли диспансеризация-ды оьтетаган бала баьри врачлар-ды да оьтпеге керек. Эгер оьзи тер-гейтаган муьшелерде врач етисев-лик коьрсе, эмлев йолларын коьр-сетер, заманы ман авырувдынъ алды шалынады. Сол баладынъ ден савлыгын беркитуьвге де амал бе-реди, яшавын да создады.

К.МУСЛИМОВА,

педиатр.

Ногай район ЗАГС боьлиги-нинъ куллыкшылары
Написат Абдурахмановна
Абубекерова

дуныядан тайганы ман байла-ныста онынъ абелине эм кардаш-тувганларына каты кайгырувын билдиредилер эм бассавлык йо-райдылар.

коьрмес деп ойлайман.

Озган каты куьн аллея ман ко-нактан кайтып келеятырганда, ал-леяда оьрип юрген сыйырларды коьрип, юрегим авырыды. Солар-ды шыгармага суьйдим, ама олар-дынъ парахат отлап юрген ериннен шыкпага бир аваслыгы да йок эди, биреви мени суьзбеге де ювырды, ога мен онынъ парахатлыгын буз-ганым ярамаган болса ярайды. Бол-са да, колыма сол ерде яткан бир таякты алып (сондай таяклар бу ерде кокыс болып ятыр), кувалап шыгардым.

Неге биз оьзимиздинъ тынша-юв еримизди саклап болмаймыз экен деген сорав эсеме келди. Неше кере де биз сол соравды оьз газета-мыздынъ бетлеринде коьтеремиз, ама сыйырлар кайтип юрген, соьйтип аьли де кыдырадылар.

Янъы туьзилген аьеллер алле-яга суьвретке туьспеге келедилер. Янъыларда да бир тойшылар мун-да келдилер, Карашай-Шеркеш Республикасыннан да конаклар бар эди. Суьвретке туьспеге ниетленген яслардынъ бир ягында кышкыры-



сып коькислер, баска ягында сы-йыр отлап юри эдилер. Ызында болдыра алмай, тойшылар алле-дан шыгып кеттилер.

Кимге берейик экен соравлар-

ды? Ким яваплы сол затка? Баьтир-лер аллеясы ма яде авлак па деген соравга мага ким явап берер экен?!

Г.БЕКМУРАТОВА.

ТОКТАСТЫРУВШЫЛАР:
Дагестан Республикадынъ
Халк Йьйыны,
Правительствосы.

Бас редактор
КОЖАЕВА Э.Ю.

Газета коьлем коммуникациялар тармагында эм маданият калымжады коршалавда
законодательстводы тутувга тергев салув бойынша федераллык службасынынъ ЮФО бойынша
регионаллык Управлениесинде регистрацияланган.

Регистрациялык номери ПИ №ФС 10-6455 (26 январь 2007 й.)

Колязбаларга рецензия берилмейди. Олар кери ызына кайтарылмайдылар. Авторлар ой
токтаслары редакциядыкы ман келиспеске боладылар. Авторлар язымалары уьшин яваплылар.
ДР-нынъ Баспа эм коьлемлик коммуникациялар бойынша комитети

Баспалавга кол басылув заманы - 18 саьат.
Баспалавга кол басылган - 17 саьат.

Адрес редакции

368850, Республика Дагестан, Ногайский район,
с.Терекли-Мектеб, ул.Карла Маркса, 49
газета «Голос степи».
Электронный адрес: sholtavisi@mail.ru
Официальный сайт газеты (www.golos-stepi.ru)

Телефоны:

Главный редактор – 4-67
Общий отдел – 4-71
Индекс – 51365

Газета выходит 52 раза в году.
Тираж – 2200.
Реклама и объявления публикуются
по договорным ценам.

Газета отпечатана в типографии
ООО "Дом печати" по адресу:
367008, ДР, Махачкала,
Акушинский проспект, 20 "А".
Юридический адрес типографии:
367000, ДР, Махачкала, ул.Пушкина, 6.